

ARUBA

Tico Croes kier sa

DR EGUCHI A TUMA GOBIERNO ACTUAL HASI

ORANJESTAD (APA)

Robertico Croes, miembro di Parlamento di fraccion di AVP, a tuma nota di publicacion kende ta dr. I. Eguchi. Tabata Corant di dia 5 di juni, y The News di dia 2 di mesun luna, a publica cierto condicionnan di e Japonés aki pa cu gobierno.

E parlamentario, hasiendo uso di art. III.17 di Constitucion di Aruba y segun art. 50 di Reglamento di Ordu di Staten a hasi algun pregunta na ministro presidente, Nel Oduber pa splica Parlamento detayadamente cua ta e referencianan cu sr. Eguchi a presenta na gobièrno na momento cu ela wordu introduci na gobièrno y cua ta e departamentonan cu tabata envolvi den e screening di e credencialnan di dr. Eguchi.

Ta correcto cu Camara di Comercio, Aruba Investment Bank, ATIA y Aruba Foreign Investment Agency, despues di un luna di investigacion, no por haya ningun referencia tocante e personahe di dr. Eguchi.

Ta bon pa informa Parlamento si e ta verdad cu pa dr. Eguchi coopera cu gobièrno, ela exige: a. un pasaporte diplomatico perpetuo' b. presidencia di un universidad nacional; c. alcalde di Oranjestad y d. pa ser considera como VIP durante tur ceremonia oficial.

Si prome minister Oduber ta comparti e opinion cu pa Aruba no wordu considera atrobe un high-risk area y mirando e vulnerabilidad di un pais chikito situa den un region geo-politico precario di Caribe, cu nos mester ta extra cauteloso den nos contactonan cu gruponan financiero internacional y tambe inversionistanan, specialmente den e lus cu nos ta aspira pa bira un centro financiero respeta y cu ta carga confianza di otro paisnan. Te aki e cuestionamento di personahe di dr. Eguchi.